

BERSIH 2007: Polis, kerajaan disaman RM2 juta
Malaysiakini.com
August 17, 2010

Seorang penjaja yang memerhatikan protes anjuran gabungan pilihan raya bersih dan adil (BERSIH) 2007, hari ini mengemukakan saman RM2 juta ke atas polis dan kerajaan atas kecederaan yang dialaminya ketika ditahan.

Aleyasak Hamid @ Hassan, 34, mendakwa tempurung lututnya retak disebabkan tindakan membabi-buta polis cuba menyuraikan orang ramai yang berhimpun.

Peguamnya, Fadial N Fikri berkata tanggungjawab kerajaan dan polis adalah melindungi rakyat dan bukannya menggunakan kekerasan dan bertindak secara arbitrari semasa menjalankan tugas.

Pada perhimpunan besar-besaran 2007 di ibunegara itu, kira-kira 40,000 orang yang berarak ke Istana Negara untuk menyerahkan memorandum kepada Yang di-Pertuan Agong.

Memorandum tersebut mengandungi tuntutan, antaranya, mendesak kerajaan menggunakan dakwat kekal sewaktu pilihan raya dijalankan, menghapuskan undi pos dan menggunakan daftar pemilih yang bersih.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/140322>